



Sindikat policijskih službenika Federalne uprave policije

Broj: 44/22

Datum: 29.11.2022. godine

FEDERALNO MINISTARSTVO UNUTRAŠNJIH POSLOVA

KABINET MINISTRA

N/R MINISTRA

Gosp. Aljoša Čampara

FEDERALNO MINISTARSTVO UNUTRAŠNJIH POSLOVA

POLICIJSKA AKADEMIJA

N/R DIREKTOR AKADEMIJE

Gosp. Damir Vejo

FEDERALNA UPRAVA POLICIJE

KABINET DIREKTORA

N/R ZAMJENIKA DIREKTORA

Gosp. Korman Ensad

PREDMET: OBAVJEST, dostavlja se;

Poštovani,

U posljednje vrijeme, odvažni pojedinci i predstavnici pojedinih udruženja žele publicitet na način da već ostvareno (jednokratna pomoć od 1.080,00 KM i povećanje osnovice za obračun plaće) svojataju kao svoj rezultat rada. Imenovani u cilju samopromocije, a danima nakon što je potpisan **Sporazum o utvrđivanju osnovice**, plasiraju pojedine akte kojima ukazuju na porast indeksa potrošačkih cijena, te u skladu sa navedenim traže od poslodavca da donese određene mjere u cilju povećanja osnovice za obračun plaće.

Samostalni sindikat državnih službenika i namještenika u organima državne službe, sudskoj vlasti i javnim ustanovama u FBiH, za sada jedini reprezentativni sindikat za uposlene u federalnim organima uprave, dana 20.07.2022. godine, Vladi Federacije BiH podnio je zahtjev za isplatu finansijske pomoći uposlenicima u iznosu od 1.080,00 KM. Dana 08.09.2022. godine, Samostalni sindikat dostavlja Vladi FBiH urgenciju vezano za jednokratnu finansijsku pomoć. Na osnovu zahtjeva Sindikata i nakon upućivanja više inicijativa i urgencija, Vlada FBiH je donijela Odluku o isplati jednokratne pomoći (službene novine Federacije BiH broj: 25/22).

Dana 14.10.2022. godine Samostalni sindikat državnih službenika i namještenika u organima državne službe, sudskoj vlasti i javnim ustanovama u FBiH uputio je prijedlog-inicijativu za otpočinjanje pregovora sa Vladom FBiH s ciljem povećanja osnovice za obračun plate u 2023. godini, kako bi se ista planirala i uvrstila u projekciju budžeta za 2023. godinu. Nakon što je Vlada FBiH na 333. sjednici potvrdila opredjeljenost za pregovore, Samostalni sindikat se obratio

Federalnom zavodu za statistiku radi prikupljanja podataka o rastu indeksa potrošačkih cijena, odnosno visine trenutne inflacije. Dana 17.10.2022. godine imenovani su članovi pregovaračkog tima ispred Federalne koordinacije Samostalnog sindikata za vođenje pregovora sa pregovaračkim timom Vlade Federacije BiH.

Na sastanku pregovaračkih timova, dana 11.11.2022. godine potpisan je Sporazum o utvrđivanju osnovice za obračun plaće za uposlene u federalnim organima uprave za 2023. godinu. (Detalji sporazuma su povjerljiva informacija sve dok isti ne bude javno objavljen).

Kao dokaz gore navedenog, ističemo da smo u posjedu akta Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH broj: 01-1028/ od 23.11.2022. godine, čiji sadržaj će biti javno objavljen nakon potpisivanja sporazuma o utvrđivanju visine osnovice.

Pozivamo sve koji tvrde da je "istina drugačija", da nas demantuju i da dokažu svoju "imaginarnu ulogu" u procesima isplate jednokratne pomoći od 1.080,00 KM i procesima pregovora za povećanje osnovice za obračun plaće u 2023. godini.

Sindikat policijskih službenika FUP-e uputio je više dopisa prema Vladi FBiH, a koji su javno objavljeni, u cilju socijalnog dijaloga i ukazao na probleme vezane za povećanje boda koji se ne može primjenjivati u obračunu plaće policijskim službenicima, ali ipak nismo bili dio pregovaračkog tima niti potpisnici predmetnog Sporazuma, kao niti bilo koje drugo udruženje koje egzistira u FMUP. Vlada FBiH je dodijelila ekskluzivitet u predmetnim pregovorima Samostalnom sindikatu državnih službenika i namještenika u organima državne službe, sudskoj vlasti i javnim ustanovama u FBiH, kao jedinom reprezentativnom sindikatu, legitimno ovlaštenom da zastupa interese državnih službenika i namještenika svih upravnih organa na federalnom nivou vlasti. Navedeni sindikat je potpisnik važećeg Kolektivnog ugovora za službenike organa uprave i sudske vlasti u FBiH.

Ovu priliku ćemo iskoristiti i da se zahvalimo Samostalnom sindikatu državnih službenika i namještenika u organima državne službe, sudskoj vlasti i javnim ustanovama u FBiH na čelu sa predsjednikom Kurtović Samirom i Vladi FBiH na učešću i realizaciji gore pomenutih finansijskih mjera koje će donekle ublažiti negativne finansijske posljedice uposlenicima federalnih organa uprave.

Sve uposlenike Federalnog ministarstva unutrašnjih poslova molimo da ne nasjedaju na kuloarske priče, te da ne budu predmet manipulacije od strane pojedinca koji sebi prisvaja određene zasluge šireći neistine, a u svrhu samopromocije.



PREDsjedNIK UPRAVNOG ODBORA

Aldin Sinanović

Viber broj: 387 607 33 70 602

Email: sindikatsfup@gmail.com

ID broj: 4203084780009

Ul. Mehmeda Spahe broj 7, Sarajevo